



**Fama Postvma Praesvlvm Antverpiensivm**

**Hugo, Hermann**

**Antverpiae, 1611**

Torrentio Tiaram Mechliniensem repudianti.

---

[urn:nbn:de:hbz:466:1-69073](#)

*Arma,arma clamans,huc date parmulam  
 Date buc sagittas , spicula , cassidem;  
 Bellare si miles recuset ,  
 Me duce, me socio sequatur.  
 Mota his, vacillans Cūria , PRÆSULIS  
 In dicta cessit; sic stimulum addidit,  
 Et bellicosi bellicosas  
 Verba viri peperere mentes.*

Petrus vander Sterren, Eyndhouius.

Ob tot, tam insignes tamque eximias  
 virtutes , dignissimo illi viro suas Honor  
 struxit insidias; & ecce inopinanti Mechli-  
 niensem imposuit Archiepiscopatum . Se-  
 nex erat, & honorum magnitudinem lapsui  
 semper vicinam perhorrescebat. Obluetatus  
 est ergo pro viribus, & ante inaugurationem  
 in ipsâ mortuus est fugâ , anno 90. 1595.  
 Id tamen est assecutus , vt cadendo , in lu-  
 ctâ, victor euaserit , morte etiam repudian-  
 te dignitatem.

T O R R E N T I O  
 FIAR A M Mechliniensem  
 repudianti.

**Q**uoniam inflatae damnoſa ſuperbia mentis,  
 Ambitio quo cœca ruit ? cùm landis anhelat  
 Inconſumpta fames, penitifque accenſa medullis  
 Aſtuat, & lento tendit præcordia voto,

E 4

Omnia

Omnia vult & plura petit, iejunaque præda  
 Incubat, & refugos audiè sectatur honores,  
 Tantalicam commenta sitim, insatiataque perstat.  
 Captantem sic docta fugæ, luditque fugitque  
 Gloria, conantemque sequi frustrata, recedit  
 Acceditq; iterum, incertoque reciproca lapsu  
 Decipit inuitans; animos sic ducit biantes,  
 Et nimium pronas in mille pericula mentes,  
 In clades, in fata trahit. ruit ille per hostes  
 Laudis amans; iuuat ire, iuuat, quò gloria dicit,  
 Per ferrum, per tela sequi, iuuat ire per enses  
 Ut cingat Muralis honos, ut Ciuita crines  
 Vinciat, ut victis niteat Rostrostrata carinis.  
 Hic ambit, prensatque manus; verbisque fauorem  
 Corrogat, & vanæ captans suffragia plebis,  
 Muneribus vultuque rogat; nunc aucupis instar,  
 Qui volucri struit insidias, explorat ab omni  
 Parte, petit, mulcet, blanditur, & omnia tentans  
 Venales tantum donis venatur honores.  
 Non sic LÆVINVS, quem magnum oblatæ potestas,  
 Maiorem contempta probat: non gloria pectus  
 Obsedit, non laudis amor, vesanaque traxit  
 Ambitio tanti que dedit turgescere fastis:  
 Non regum petuit trabeas, non ambitus audax  
 Annua venali miscens certamina campo,  
 Et dubius certauit honos; non candida cinxit  
 Pænula, qua varium plebis tentaret amorem.  
 Scilicet ipsa sibi Virtus placet, ipsa refulget,  
 Et plausu contenta suo, non plausibus ullis  
 Erigitur, vanoque optat clarescere fastu;  
 At proprium complexa decus, non indiga laudis,  
 Emicat, & iustos meritis dispensat honores  
 Index vera sui. en se non meruisse faterur

LAE-

LÆVINVS, laudemque negat: sacratior ambit  
 Infusa, nolentemque trahens inuitat, & ultrò  
 Ipsa rogit; negat ille tamen, pauidusque sequentem  
 Declinat, latebrásque parat struxisse timori,  
 Inque suâ virtute latens prodire repugnat:  
 Et velut admoto trepidans splendore, resistit  
 Ac lucem famamque timer, seseque videndum  
 Subtrahit, instantem fugiens, metuitque teneri.  
 Gloria sed sequitur mulium velocior, instar  
 Cedenti, iam iamque tenet, similisque tenenti  
 Luditur, elapsumque stupet: celer ille recedit  
 Et veluti dubitans, an sit comprehensus, ab ipso  
 Eripitur fato, comprehendentemque relinquit.  
 Sic mors amborum luctam interiecta diremit;  
 Harentemque fugam tenuit; cadit ille, cadentem  
 Occupat, & victi vidtrix post fata triumphat  
 Gloria; spretus honor, maiorem præbet honorem.

Theodorus Middelton.

De TORRENTI eruditione vix locuti sumus; sed hic laudandæ eius commodior relictus est locus: cuius ille præclarissima duo voluit extare monumenta, Suetonium & Horatiū illustratos . pro quâ gratiâ

T O R R E N T I O  
 T R A N Q V I L L V M illustratingi  
 Iacobus de Cater ita lusit.

**Q**uid consularis sidera purpure,  
 Et submoenium munia fascium,  
 E s Tagæ-